

- B. Nws tsis xav tuaj kawm ntawv li
- C. Nws ua nws cov ntawv tom tsev tsis tau tas
- D. Nws tuaj ua si tom kev lawm

3. Yam teeb meem no muaj thaum lub caij twg?

- A. Tav su
- B. Sawv ntxov
- C. Tsaus ntuj
- D. Thaum kawm ntawv tag

B. Zaj lus nram no yog ib tug xib hwb hais rau ib tug ntxhais kawm ntawv.

Tus xib hwb nug Maiv hais tias ua cas tsis pom koj daim ntawv uas kuv kom nej muab coj mus rau nej niam nej txiv sau lawv lub npe es kuv yuav coj nej mus ncig xyua lub tsev ua mis nyuj thiab lub tsev ua suab thaj tag kis. Maiv hais tias kuv txiv twb sau nws lub npe lawm, tab sis kuv tsis nco qab nqa tuaj, tseem nyob saum rooj noj mov. (Teb cov lus nug raws li nram no. Xaiv ib nqe lus uas raug tshaj xwb).

4. Lub ntsiab lus ntawm zaj lus no yog dab tsi?

- A. Tus xib hwb xav tau lus tso cai los ntawm cov niam txiv
- B. Tus xib hwb tsis xav qhia ntawv
- C. Tus xib hwb xav kom Maiv niam thiab Maiv txiv nrog lawv mus
- D. Tus xib hwb tsis xav pub Maiv nrog lawv mus ua si

5. Vim li cas Maiv thiaj tsis nqa nws daim ntawv tuaj rau tus xib hwb?

- A. Maiv tsis nco qab nws daiv ntawv lawm
- B. Maiv txhob txwm tsis nqa nws daim ntawv
- C. Maiv tsis xav nrog nws cov phooj ywg mus ua si
- D. Maiv niam thiab txiv tsis kam sau nkawv lub npe

6. Yam teeb meem no yog hais txog lub caij twg?

- A. Tus xib hwb yuav tsis coj Maiv nrog lawv mus ua si tag kis
- B. Tus xib hwb yuav rau txim rau Maiv
- C. Tus xib hwb chim siab rau Maiv niam Maiv txiv
- D. Tus xib hwb yuav tsis coj Maiv lwm zaus lawm

C. Zaj lus nram no yog ib lub tsev kawm ntawv sau mus rau ib tug me nyuam kawm ntawv niam thiab txiv.

Lub tsev qhia ntawv tseem tsis tau txais daim ntawv thov mov noj dawb ntawm tus me nyuam npe hu ua Kab Xyooj. Thov kom nej pab muab daim ntawv ntawd sau kom tiav ua ntej lub 10 hli ntuj no, es muab rau nej tus me nyuam xa rov qab tuaj rau peb sai raws li yuav sai tau. Yog peb tsis tau txais daim ntawv raws li hais los saum no, ces nej yuav tau them nyiaj noj mov rau Kab. (Teb cov lus nug raws li nram no. Xaiv ib nqe lus uas raug tshaj xwb).

7. Lub ntsiab lus ntawm zaj lus no yog dab tsi?

- A. Lub tsev qhia ntawv tsis xav pub mov noj dawb rau Kab

- B. Lub tsev qhia ntawv kom Kab xa daim ntawv thov mov noj tuaj rau lawv sai
 - C. Kab niam thiab txiv tsis xav pub Kab noj mov dawb
 - D. Lub tsev qhia ntawv kom Kab them nyiaj noj mov
8. Vim lis cas Kab thiaj yuav tsum xa daim ntawv noj mov?
- A. Kab yuav raug them nyiaj noj mov
 - B. Kab yuav tsis muaj chaw kawm ntawv
 - C. Kab yuav raug them nqi kawm ntawv
 - D. Kab yuav tsis quav ntsej txog daim ntawv li
9. Yuav tsum xa daim ntawv rau lub caij twg?
- A. Yuav tsis pub dhau lub 10 hli ntuj
 - B. Yuav xa lub caij twg los tau
 - C. Yuav tsum cia txog rau lwm lub caij kawm ntawv
 - D. Yuav ntim mov tom tsev tuaj noj

D. Zaj lus nram no yog ib tug xib hwb sau ntawv mus rau cov niam txiv.

Kuv yog Maiv Zuag, tus xib hwb qhia ntawv qib 3, sau daim ntawv no rau cov niam txiv kom nej tuaj sab laj nrog kuv rau hnuv tim 10, lub 11 hlis ntuj no thaum 10 teev sawv ntxov. Peb yuav sib tham txog kev ua yeeb yam txog Hmoob tej tsoos tsho thiab txuj ci pub rau lub tsev kawm ntawv thaum lub caij Hmoob noj Peb Caug. Xav thov nej cov niam txiv tuaj koom tes pab khiav cov hauj lwm no. Vam thiab cia siab hais tias nej cov niam txiv yuav siv lub sij hawm tuaj koom kom tau. Ua tsaug. (Teb cov lug nug raws li nram no. Xaiv ib nqe lus raug tshaj xwb).

10. Lub ntsiab lus ntawm no yog li cas?
- A. Xib hwb caw kom cov niam txiv tuaj sab laj
 - B. Lub tsev kawm ntawv muaj noj muaj haus
 - C. Tsiab Peb Caug tsis yog Hmoob li
 - D. Hmoob cov ris tsho tsis zoo nkauj dab tsi
11. Vim li cas thiaj yuav kom cov niam txiv tuaj sab laj?
- A. Ua yeeb yam txog Hmoob tej txuj ci
 - B. Lub tsev kawm ntawv muaj teeb meem
 - C. Koom tes ua noj ua hau tom tsev kawm ntawv
 - D. Tuaj pab xib hwb tu nws kem qhia ntawv
12. Kev sab laj yog lub caij twg?
- A. Tim 1, lub 12 hlis ntuj thaum 9 teev
 - B. Tim 5, lub 2 hlis ntuj thaum 12 teev
 - C. Tim 10, lub 11 hlis ntuj thaum 10 teev
 - D. Tsis teem caij li, tuaj thaum twg los tau

E. Zaj lus nram no yog ib tug niam ntaus xov tooj tuaj rau ib tug xib hwb.

Kuv yog Tub Hawj niam, xav hais rau xib hwb paub hais tias nag hmo Tub kub kub ib hmos kaj ntug plaws, nws kuj ua npaws thiab ntuav ntuav, yog li ntawd hnuv no kuv kom nws nyob hauv tsev. Tub yeej ib txwm muaj muaj mob li, nws yeej noj tshuaj nram xwb. Yog tag kis Tub kaj me ntsis lawm no ces kuv mam xa nws tuaj kawm ntawv. (Teb cov lus nug raws li nram no. Xaiv ib nqe lus uas raug tshaj xwb).

13. Lub ntsiab lus los saum no yog li cas?
 - A. Tub niam nrog tus xib hwb tham hauv xov tooj
 - B. Tub ua nws cov ntawv tsis tiav
 - C. Tub niam koj Tub tuaj kawm ntawv lig
 - D. Tub niam kom Tub pab ua hauj lwm tom tsev

14. Vim li cas Tub thiaj tsis tuaj kawm ntawv?
 - A. Tub mob lawm
 - B. Tub yeej ib txwm nkees nkees
 - C. Tub tsis xav tuaj kawm ntawv
 - D. Tub tseem pw

15. Lub caij twg Tub thiaj yuav rov qab mus kawm ntawv?
 - A. Yog Tub zoo mes ntsis lawm
 - B. Yog Tub niam khoom koj Tub
 - C. Yog Tub ua nws cov ntawv tag
 - D. Yog Tub sawv ntxov

Part II. Reading Component (Nyeem zaj lus nram no thiab teb cov lus nug) [50 points]

A. Hmoob yog ib pawg neeg uas tsiv pem Suav Teb los rau Los Tsuas, Nyaj Laj, Phab Mab thiab Thaib Teb puag thaum xyoo 1870, yog vim tsov rog thiab kev nrhiav noj nrhiav haus. Hmoob yog ib pawg neeg uas nws muaj nws lus, txuj ci, paj lug, paj ntaub, kab tshoob kev kos, kev ua dab ua qhua thiab kev lij choj uas koj los kav nws pawg neeg. Hmoob yog ib nyuag me nyuam haiv neeg tsawg tsawg xwb yog hais tias muab piv rau lwm pab lwm pawg neeg, tab sis Hmoob muaj txuj ci zoo nkauj ntau yam kawg nkaus. (Teb cov lus nug raws li nram no, xaiv ib nqe lus uas raug tshaj xwb).

16. Lub ntsiab lus los saum no yog li cas?
 - A. Hmoob muaj txuj ci ntau tsav yam
 - B. Suav hu Hmoob ua Miao
 - C. Hmoob tsis muaj kev vam meej dab tsi
 - D. Hmoob yog ib haiv neeg uas nyiam tsiv tas mus li

17. Vim li cas Hmoob thiaj khiav Suav Teb?
 - A. Khiav tsov rog thiab kev nrhiav noj nrhiav haus
 - B. Khiav kwv tij neej tsa
 - C. Khiav kev kawm txuj ci
 - D. Khiav kev vam meej

- 18. Lub sij hawm twg, thaum Hmoob khiav tawm Suav Teb?
 - A. Xyoo 1990
 - B. Xyoo 1975
 - C. Xyoo 1870
 - D. Xyoo 1960

B. Lis Neeb yog ib tug neeg thoj nam tuaj sab *Asia* tuaj. Thaum nws tuaj txog rau As Mes Lis Kas, nws tau mus nrhiav hauj lwm ua, tab sis ib cheeb tsam ntawm nws nyob ntawd tsis muaj hauj lwm ntau. Lis Neeb tau siv lub caij nyoog nrhiav laj kam ua nyob rau ntawm lub nroog Modesto li ib xyoos. Nws mus nrhiav txog qov twg los tsis muaj neeg kam ntiav vim hais tias nws tsis muaj kev txawj ntse, tsis muaj phooj ywg, thiab tsis txawj hais lus As Mes lis Kas. Xyoo 1980, nws thiaj tau txiav txim siab tias, ua li cas los, yuav tsum kawm ntawv ua ntej tso. Txawm hais tias tsis tau kawm ntawv dua li los xij, nws yuav tsum pib xyaum vim nws tuaj pom txhua tus neeg nyob As Mes Lis Kas teb puav leej txawj ntawv. Cov laus heev lawm los tseem niaj hnuv mus kawm txuj ci los txhawb lawv lub neej ntxiv. Nws thiaj tau mus sau npe kawm ntawv, pib kawm "A, B, C,..." tuaj. Tom qab nws tau mus kawm ntawv peb xyoos nws thiaj rov los nrhiav tau ib txoj num tu vaj tse nyob rau hauv ib lub tsev kawm ntawv. (Teb cov lus nug raws li nram no).

- 19. Tom qab Lis Neeb tau mus kawm ntawv los, muaj dab tsi txawv txav hauv nws lub neej?

- 20. Lis Neeb tuaj pom dab tsi txawv nyob teb chaws As Mes Lis Kas no?

- 21. Vim li cas Lis Neeb nrhiav tsis tau hauj lwm ua?

- 22. Thaum tsis muaj neeg kam ntiav Lis Neeb lawd, nws xav li cas?

- 23. Lub niam tswv yim ntawm zaj lus no hais txog dab tsi?

C. Hmoob yog ib haiv neeg uas nyiam kev thaj yeeb, kev ywj pheej, tsis xav txeeb leej twg tug, tsis xav txob plaub txob ntug, yog li ntawd thaum Hmoob tsiv Suav Teb los rau hauv Los Tsuas, Nyab Laj, Phab Mab thiab Thaib Teb, Hmoob thiaj los nrhiav kev ua noj ua haus nyob rau yav toj siab xwb. Tsis muaj tsev kawm ntawv pub rau Hmoob cov me nyuam kawm ces feem coob yog cov tsis tau kawm ntaub kawm ntawv. Thaum cov Hmoob tuaj poob rau teb chaws As Mes Lis kas no, Hmoob txoj kev khwv noj khwv haus, kev ua hauj lwm, kev ua lag ua luam thiaj li poob qab. (Teb cov lus nug raws li nram no).

24. Vim lis cas Hmoob thiaj nyob yav toj siab xwb?

25. Vim li cas Hmoob thiaj tsiv ib lub teb chaws rau ib lub teb chaws?

26. Vim li cas feem coob ntawm cov Hmoob txoj kev nrhiav noj nrhiav haus thiab kev ua hauj lwm nyob hauv As Mes Lis Kas no thiaj li poob qab?

27. Vim li cas thiaj hais tau hais tias Hmoob yog ib haiv neeg nyiam kev thaj yeeb thiab kev ywj pheej?

28. Lub ntsiab lus ntawm zaj lus saum no yog dab tsi?

D. Hais txog cov tub ntxhais Hmoob uas tuaj hlob thiab yug rau hauv teb chaws As Mes Lis Kas no, feem coob yog cov tsis paub lus Hmoob zoo lawm thiab tsis paub txog Hmoob lub keeb kwm yav dhau los, yog vim tsis muaj ib lub tsev qhia ntawv qhov twg uas yuav los qhiav ntawv Hmoob rau cov me nyuam Hmoob. Hmoob cov lus muaj nqi kawg vim Hmoob muaj paj lug thiab paj huam ntau yam. Thaum paub Hmoob cov paj lug zoo lawd, kuj muaj nqi rau lwm yam lus thiab. (Teb cov lus raws li nram no).

29. Vim li cas Hmoob thiaj tseem siv Hmoob cov lus?

30. Hmoob cov lus muaj nuj nqi dab tsi?

31. Vim li cas Hmoob tej paj lug thaij muaj nqi?

32. Lub niam tswv yim zaj lus hais los suam no yog dab tsi?

E. Hmoob lub Tsiab Peb Caug yog Hmoob lub neej, nplooj siab, nplooj ntsws, qhia txog Hmoob txoj kev sib hlub sib pab, txoj kev zoo siab, nco txog kwv tij phooj ywg thiab hawm txog cov uas tau ncaim lub ntiaj teb no lawm. Yav dhau los, Hmoob siv sij hawm ntau hnub los npaj Hmoob lub Peb Caug yam li npaj tsiaj txhu, zaub mov noj, tu vaj tu tsev du dais, npaj ris tsho tshiab rau tej mes tub mes ntxhais. Ua ntsej muag luag ntxhi, tej niam txiv yuav tsis sib cav sib ceg, tej me nyuam yuav tsis quaj, tsis sib ntau sib ceg. Yuav thov koob thov hmoov los ntawm tej laus, poj yawm txwv txoob kom xyoo tshiab tsuas muaj tau txais kev noj qab hau huv, daim tshiab los kom tau hnav, qav tshiab los kom tau noj, nyiaj txiag los kom khwv puv nas. (Teb cov lus nug raws li nram no).

33. Lub Peb Caug Hmoob muaj nuj nqi dab tsi?

34. Vim lis cas thiaj yuav tsum muaj Peb Caug Hmoob txhua txhua xyoo?

35. Nyob hauv lub Peb Caug Hmoob muaj dab tsi?

36. Lub ntsiab lus loj ntawm Hmoob lub Peb Caug yog dab tsi?

F. Hmoob txoj kev ua tshoob ua kos yog ib yam txheej txheem loj nyob ntawm haiv neeg Hmoob lub neej, vim Hmoob naim Hmoob txiv yuav tsa lawv tus tub tus ntxhais mus ua lub neej tshiab. Hmoob txoj kab tshoob kev kos loj yog vim Hmoob niam Hmoob txiv xav txhawb pab kom tus tub thiab tus

ntxhais ua lub neej sib hlub kom mus txog rau hnuv cheb qab vag qawj, ntxuav qab yiag to, txhais tau hais tias kom mus txog rau hnuv kawg. Yuav ua tsaug rau cov hlob cov yau, niam hlob txiv hlob, niam ntxawm txiv ntxawm, niam pog txiv yawg txhua leej txhuas tus rau lawv txoj kev txhawb pab, ua pov thawj rau tus tub tus ntxhais txoj kev ua txij ua nkawm. (Teb cov lus nug raws lis nram no).

37. Hmoob txoj kev ua tshoob ua kos puas muaj nuj nqi dab tsi?

38. Vim li cas thiaj yuav tsum muaj noj tshoob thiab sau nqi tshoob?

39. Leej twg yog cov yuav tuaj ua pov thawj rau tus tub thiab tus ntxhais?

40. Kab tshoob kev kos puas yog ib yam uas muaj teeb meem nyob hauv Hmoob lub neej niaj hnuv no? Vim li cas?

Part III. Writing Component (Sau ntawv txhais lus thiab teb lus nug) [50 points]

1. Translate into Hmong (txhais ua lus Hmoob)

Dear Parents:

The School District is committed to ensuring a safe, disciplined climate for academic growth. Good attendance is critical to the learning process. This is where parents play a vital role in their child's achievement. Teachers cannot meet their obligation to provide stimulating, quality education if the student is not in class every day.

We encourage you to visit your student's school regularly and if possible volunteer to help in the classroom. Be familiar with your student's assignments and offer to help in understanding homework. Be aware of school activities and involve yourself to the extent possible. We all have a role in educating youth. It is a partnership that benefits not only our students, but our community.

Sincerely,

Superintendent

2. Translate into English (txhais ua lus As Mes Lis Kas)

Txog cov Niam txiv:

Kuv yog tus xib hwb qhia ntawv nyob rau kem 3. Kuv sau daim ntawv no tuaj caw nej cov niam txiv tuaj nrog kuv sib tham txog ntawm nej tus me nyuam txoj kev kawm ntawv yav tas los. Lub caij teem tuaj sib tham yog lub 10 hli ntuj no, hnuv tim 29, thaum 3:00 teev yav tav su dua. Kuv yuav piav txheej txheem txog kev kuv qhia ntawv nyob rau hauv kem 3 no pub rau nej paub thiab yuav piav txog nej tus me nyuam txoj kev kawm ntawv pub rau nej cov ua niam txiv paub. Yog nej muaj lus dab tsi txog nej tus me nyuam no ces nug kuv tau. Vam thiab cia siab hais tias nyaj nej cov niam txiv yuav siv lub sij hawm tuaj koom kom tau. Ua tsaug.

Xib Hwb

3. Lub ntsiab lus ntawm zaj dab neeg nram no yog dab tsi? (Koj yuav sau thiab piav ua lus Hmoob)

Npawg hlob thiab npawg yau mus tua noog

Muaj ob tug kwv npawg yog npawg hlob thiab npawg yau, nkawv ua phooj ywg zoo sib hlub, nyob ib lub zos ua ke. Muaj in hnuv nkawv txawm sib yaum mus tua noog nyob tom hav zoo. Thaum nkawv tab tom yos yos xauj saib seb puas muaj noog, ces txawm muaj ib tus dais dub loj loj tawm plaws los tom nkawv, ces tus npawg hlob uas nws muaj hnuv nyoog dua txawm cia li khiav mus nce ntoo lawm, tus npawg uas muaj hnuv nyoog yau txawm cia li pw khwb rwg kiag rau hauv av.

Tus dais dub loj loj ntawd txawm muab tus npawg yau ntawd hnia hnia xwb, tsis tom tsis khawb tus npawg yau dab tsi, ces dais cia li khiav lawm. Tus npawg hlob nqis saum ntoo los, nws nug tus npawg yau hais tias, dais hais li cas rau koj, "ua cas dais ho tsis tom koj?" Tus npawg yau teb hais tias, "Dais hais tias txawm ua kwv tij phooj zoo npaum li cas los yog txog thaum yuav tuag, ib tug ho tsis pab ib tug, ces tsis txhob ua kwv tij kwv npawg zoo dua.

4. Summarize this into Hmong (txhais lub ntsiab lus ntawm no ua lus Hmoob)

A Matter of Intelligence

One day, a long time ago, when human beings and animals could talk with each other, a tiger came out of the jungle and confronted a farmer who was ploughing his field with his buffalo. 'I am hungry,' said the tiger, 'so I am going to eat you and your buffalo too. But before I do I would like to ask you something. I have noticed how your buffalo toils all day in your fields, pulling a heavy plough while you walk behind at your ease. How is it that you, who are small and weak can make the buffalo, which is big and strong, work for you?'

'That question is easily answered,' replied the farmer, 'It is because I have intelligence and the buffalo has none.' 'Where is your intelligence?' asked the tiger. 'Show it to me. I would like to see it before I eat you.'

'I do not have my intelligence with me,' said the farmer. 'I will have to go home and get it before I can show it to you. And I will only show it to you on condition that you do not follow me to my house to see where I keep it.' 'I will stay here until you return,' said the tiger. 'Just so that I can be sure, let me tie you up until I get back,' suggested the farmer. 'Alright,' said the tiger, 'but hurry because I am hungry.'

The farmer found some rope and bound the tiger's paws together tightly. When he was certain the tiger could not move, he took a heavy stick and beat it to death, saying as he beat it, 'Now you are seeing my intelligence.'

Part IV. Grammar [40 points]

A. Fill the blanks in the following sentences with the giving words (*tab sis, vim li cas, thiab, ces, vim hais tias*).

1. Leej xib hwb tsis tuaj qhia ntawv _____ nws mob lawm.
2. Sawv daws tshaib plab _____ nqhis dej heev.
3. _____ wb tus me nyuam thiaj quaj?
4. Pov tsis tau noj tshais _____ nws thiaj nkees heev.
5. Maiv Yeeb nyiam ua paj ntaub kawg _____ nws tsis nyiam saib ntawv.

B. Fill the blanks in the following sentences with the giving words (*qhov twg, thaum twg, dab tsi, pes tsawg, leej twg li*).

6. Yog ntuj tsis los nag no, _____ koj mam tuaj?
7. Niam Lis, muaj _____ tus tub ntxhais kawm ntawv hauv koj chav qhia ntawv?
8. Niam, kuv txiv neb tsab ntawv tuaj tom tsev ua hauj lwm tuaj nyob _____?

C. Transform the following sentences into interrogative form by using "puas".

9. Koj ua hauj lwm dab tsi.

10. Tag kis wb tus me nyuam yuav mus tim tsev kho mob.

D. Transform the following sentences into negative form by using "*tsis*".

11. Kuv tau zaum hauv koj lub tsheb Cadillac.

12. Lis yuav tuaj koom lub rooj sab laj?

E. Conjugate the following sentences into future tense.

13. Nws *tsis* tau mus ua si li.

14. Nej hais lus Hmoob ua tab ua tauv.

F. Conjugate the following sentences into past tense.

15. Nws yuav *tsis* paub hais lus.

16. Tus ntxhais rau siab nyeem nws phau ntawv tom tsev.

G. Conjugate the following sentences into present interrogative.

17. Koj puas yuav xav txog kuv?

18. Maiv Xis twb *tsis* tshaib plab los?

H. Fill the blank in the following sentences with appropriate article or classifiers.

19. Nws leej niam yuav tau ib _____ chij rau nws.
20. Koj _____ txiv noj su tom tsev ua mov noj.
21. Muab ib _____ ntawv dawb rau kuv sau.
22. Peb kawm _____ ntawv hu ua "Keeb kwm ntawv Hmoob".

I. Fill the blank in each of the following sentences with an appropriate preposition.

23. Daim pib mov su nyob _____ lub rooj.
24. Tus tub mus _____ tsev kawm ntawv.
25. Tus miv zaum _____ tsob ntoo.

J. Read the following incorrect sentence and rearrange the words (do not add any words) so that the sentence will make more sense. The first word is given to you.

26. Kuv nphav koj lub khob iav tawg tag lawm es poob nthav rau hauv pem teb.

Kuv _____

27. Nej sawv daws, peb yuav nyeem ntawv los zaum hauv pem teb

Nej _____

28. Tsiv tsaim heev Zeb; nws niaj hnuv ntau cov me nyuam kawm ntawv.

Zeb _____

29. Khav txiv kawg nkaus ib txhia neeg, tab sis nws dab tsi tsis paub li.

Ib _____

k. Read the sentence below. Identify the words/phrases with the correct parts (*qhia, qhia tshwm, tswv*) of the sentence.

30. Ntxawg hais lus Hmoob npliag lias.

Ntxawg _____

Hais lus _____

Hmoob npliag lias _____

L. Correct the following sentence by placing an appropriate coordinating conjunction and/or punctuation.

31. Nyiaj txiag nyob tsiv kev neeg niaj hnuv mus khwv nyiaj.
(There are 3 ways you can make this sentence correct. Give all three ways).

32. Tsis muaj leej twg yug los es cia li txawj ntse kev txawj kev ntse yuav tsum yog kawm thiaj li txawj. *(There is only 1 answer. Use the best coordinating conjunction and/or punctuation to make this sentence correct).*

33. Yog hais tias kuv kawm ntawv tiav kuv yuav mus ua hauj lwm yog hais tias kuv kawm ntawv tsis tiav kuv yuav mus ua loj leeb

SKIP THIS PART

Oral Questions will be asked during the MSCP interview day

Part V. Speaking Component (Oral explanation, 2 minutes

**for each question) (Hais lus teb cov lus nug)
[30 points].**

1. Yog vim li cas koj thiaj xav mus ua ib tug xib hwb qhia ntawv?
2. Yog vim li cas ib tug me nyuam Hmoob paub ob yam lus, yam li lus Hmoob thiab lus Amelikas, thiaj li hais tias zoo thiab pab tau nws?
3. Muaj ib cov niam txiv Hmoob tsis nyiam tso lawv cov me nyuam mus kawm chav uas hu ua "Bilingual". Koj xav li cas?
4. Thaum cov niam txiv Hmoob uas nyuam qhuav tuaj rau teb chaws Amelikas tuaj nrog koj tham hais txog kev pab lawv cov me nyuam. Koj muaj tswv yim pab lawv li cas?
5. Hmoob cov xeeb muaj nuj nqi dab tsi rau Hmoob thiab? Koj xav li cas?
6. "Mloog niam mloog txiv qhuab qhia thaum yau, loj hlob los thaj tau ua hau", txhais li cas?
7. Zoo li Hmoob cov tub ntxhais tseem sib yuav ntxov ntxov, koj xav tias yog vim leej twg?
8. Yog ib tus Hmoob twg xav mus kawm ntawv ua ib tus xib hwb no, koj muaj tswv yim dab tsi pab thiab?
9. Muaj pes tsawg hom Hmoob, yam dab tsi ua rau lawv sib txawv, thiab lawv sib txawv paum li cas?
10. Hmoob puas yog cov niam txiv uas muaj me nyuam coob leej tshaj plaws nyob teb chaws Amelikas no?
11. Piav txog koj tsev neeg, koj niam koj txiv, koj cov me nyuam thiab lwm tus uas nyob ze koj?
12. Hmoob hais tias, "Niam txiv piv tam lub ntuj, tub ki piv tam lub teb", yog txhais li cas?